



BOSANSKI KULTURNI CENTAR
Kantona Sarajevo

BAŠČARŠIJSKE NOĆI 2021.

01.-31.07.2021.





Pozdravne riječi gosp. Samira Avdića, ministra kulture i sporta Kantona Sarajevo

Festival Bačaršijeske noći ove godine obilježava svoj svečani jubilej, 25 godina poslijeratnog postojanja. “Bačaršijeske noći” su se održavale i prije rata – agresije na Sarajevo i BiH, ali sporadično od slučaja do slučaja. Bila je to, ustvari, “Bačaršijeska noć” tokom koje se održavalo između 15 i 20 raznovrsnih kulturnih programa u različitim prostorima širom Općine Stari Grad. Od 1995. godine osmišljen je i pokrenut koncept međunarodnog Festivala koji traje mjesec dana od 1. do 31. jula, a programi se dešavaju na prepoznatljivim lokacijama širom Sarajeva. Sarajevo je oduvijek plijenilo pažnju turista svojim specifičnim spojem istoka i zapada, a koncept Festivala je nastojao da tu atmosferu prenese i u programe koji su selektovani tako da predstavljaju spoj savremenog i tradicionalnog. Bačaršijeske noći” su postale dio ovog grada, a građani su ovu manifestaciju prihvatili kao svoju, tako da u mjesecu julu čitav grad odiše jednom posebnom “sarajevskom”

festivalskom atmosferom. Ovogodišnje izdanje Baščaršijskih noći, osim što je jubilarno, specifično je i po tome što se Festival ove godine vraća na atraktivnu lokaciju, na Centralnu pozornicu preko puta Vijećnice, odakle je i krenuo na svoj umjetnički put prije 25 godina. Ponovo će na tom mjestu biti simbolično izgrađen tradicionalni kulturni most koji nosi ime “Baščaršijske noći”. Također, Festival će se održati sa ograničenim brojem posjetilaca, usljed okolnosti koje su nastale proglašenjem pandemije. Uprkos tome, Festival je ostao dosljedan u svojoj namjeri da predstavi široku paletu programskih i umjetničkih raznolikosti.

Izražavajući zadovoljstvo postojanjem ovog Festivala, koji je izrastao u važan događaj u biću Sarajeva – gradu otvorenih vrata i tradicionalne gostoljubivosti, iskreno se zahvaljujem svim učesnicima Festivala – gostima i domaćinima. Hvala i publici na njihovoj vjernosti i odanosti Festivalu, koji ove godine obilježava respektabilnih četvrt vijeka postojanja. Svima Vama želim dobrodošlicu, da uživajte u programima koji će ponuditi ovogodišnji Festival, u gradu koji odiše kulturom i umjetnošću i naravno želim da se svake godine, u toplim julskim noćima, iznova vraćate ovoj kulturnoj manifestaciji.



SVEČANO OTVORENJE FESTIVALA

Koncert: Gudački orkestar Sarajevske filharmonije

01. 07. JU BKC KS, Galerija, 20:00 sati

Besplatne ulaznice se preuzimaju na portirnici BKC-a

(Direktan prenos putem YouTube stranice: BKC Sarajevo)



Program: P. WARLOCK, Capriol suite za gudački orkestar, H. PURCELL, Abdelazer suite, G. F. HÄNDEL, “Io t’abbraccio” duet Rodelinde i Bertarida iz opere Rodelinda, G. F. HÄNDEL, “Ricordati, mio ben” duet Vitige i Teodate iz opere Flavio, A. VIVALDI, Sinfonia no. 1, C-dur, A. VIVALDI, Koncert br.8, op. 3 za dvije violine i gudački orkestar.

Solisti: Adema Pljevljak - Krehić, sopran, Vedrana Šimić, sopran, Arijana Amitović, violina, Arvida Kullolli - Vračo, violina

Dirigent: Samra Gulamović

Likovna izložba

Samostalna izložba akadenskog slikara, fra Petra – Perice Vidića.

Izložba će biti postavljena od 02. do
11. 07. a bit će otvorena za posjetioce
u periodu od 14:00 do 20:00 sati

**02. 07. JU BKC KS, Galerija, otvorenje
izložbe u 20:00 sati**

Posjetioci će biti u prilici da vide novi ciklus slika koje do sada nisu izlagane. Fra Perica Vidić je rođen u Sarajevu na Bistriku, 1938. godine. Klasičnu gimnaziju završio je u Visokom, a studij filozofije i teologije u Sarajevu. Od 1962. godine radi u ateljeu akademskog slikara Gabrijela Jurkića, a od 1965. do 1966. u ateljeu akademskog slikara Stane Kregara u Ljubljani. Godine 1966. odlazi u Beč i pohađa Akademiju likovnih umjetnosti gdje studira grafiku u klasi profesora Maxa Melchara. Od 1970. godine



predavao je likovnu umjetnost, a kasnije povijest umjetnosti na Franjevačkoj klasičnoj gimnaziji u Visokom. Od 1995. godine član je Akademije nauka i umjetnosti BiH. Do sada je imao preko 100 samostalnih izložbi u BiH i inozemstvu. Dobitnik je značajnih nagrada i priznanja među kojima je i Šestoaprilska nagrada Grada Sarajeva 2006. god. Gvardijan je Franjevačkog samostana sv. Ante na Bistriku. Papa Benedikt XVI. mu je 2011. godine dodijelio odlikovanje *Križ za Crkvu i Papu*.

Koncert

Vojni orkestar OS BiH i U.S. Army Europe and Africa Band & Chorus

03.07. JU BKC KS, Velika dvorana, 20:00 sati

Besplatne ulaznice se preuzimaju na portirnici BKC-a
(Direktan prenos putem YouTube stranice: BKC
Sarajevo)

Godine 2004. zajedno sa Počasnom postrojbom OS BiH utemeljen je Orkestar OS BiH kojem je osnovna zadaća potpora vojnog i državnog protokola, ali i čuvanje vojničke tradicije, povijesno-istorijskog nasljeđa i kulturnog identiteta vojnika OS BiH, a ujedno je spona vojnog i civilnog života, te stalni promotor OS BiH. Sa Orkestrom će kao gosti nastupiti članovi vojnog orkestra SAD. Na programu će biti popularne evergreen kompozicije u aranžmanima za duvački orkestar.



Vojni orkestar OS BiH



Photo By SSG
Joshua Dahl



Predstava za djecu (uzrast: 6+)

Pozorište lutaka Mostar “Dječak koji je sanjao more”

**04. 07. 2021. JU BKC KS, Velika dvorana
12:00 sati**

Besplatne ulaznice se preuzimaju na portirnici BKC-a

Sarajevska premijera predstave prema tekstu Selme Parisi, režiju potpisuje Zijah Sokolović. Priča o dječaku čiji je najveći san vidjeti more, no za to u životu nije imao prilike. Dječak živi u svom svijetu mašte, iz kojeg tek na trenutke bude prisiljen otići u stvarnost, da bi se što prije vratio vlastitim sanjarijama. U trenucima kada spava, dječak sanja kako razgovara s morem koje mu odgovori na neka od njegovih (životnih) pitanja, dok druga ostaju neodgovorena kako bi dječak sam našao odgovore i pravi put.

Igraju: Igor Vidačković, Nina Popović, Ali Kamer Aksoy i Diana Ondelj Maksumić.



Program za djecu

Bibliotečke večeri

**07. 07. Dječije odjeljenje,
Radićeva, 18:30-20:00 sati**

Programske aktivnosti JU Biblioteka Sarajeva za djecu uzrasta od 5 do 12 godina - Ekološke teme, poetski susreti, kreativne radionice, druženje i zabava.

Koncert

Studenti Smjera za harmoniku Muzičke akademije Univerziteta u Istočnom Sarajevu

07. 07. JU BKC KS, Galerija, 20:30 sati

Besplatne ulaznice se preuzimaju na portirnici BKC-a

Nastupaju: Božana Lazić, Radovan Ivanović, Vehbija Hodžić, Azra Halitović, Edvin Halilović, David Tomašević. Studenti smjera za harmoniku osvajali su mnogobrojne laureatske nagrade na svjetskim akordeonističkim takmičenjima. Radovan Ivanović i Vehbija Hodžić su osvajanjem Laureata na takmičenju *Dani harmonike 2021* (Ugljevik, BiH) izabrani za predstavnike Bosne i Hercegovine na Svjetskom kupu harmonike koji će se održati u Minhenu u oktobru 2021.



Koncert

Muški vokalni ansambl “Prijatelji”

08. 07. 2021. JU BKC KS, Galerija, 21:00 sat

Besplatne ulaznice se preuzimaju na portirnici BKC-a

Ansambl *Prijatelji* je osnovan 1957. godine i od tada radi bez prekida. Trenutno broji 8 aktivnih članova, a kroz ansambl je od osnivanja “prošlo” oko 40 članova. Tokom tog perioda snimili su deset singl i dvije longplay ploče, sedam CD-ova, četiri audiokasete, oko 80 snimaka za arhiv



Radija Sarajeva i veliki broj TV-emisija. Gostovali su u skoro svim zemljama Evrope kao i u svim većim mjestima Bosne i Hercegovine. Dobitnici su Šestoaprilske nagrade grada Sarajeva 1979. godine, te većeg broja festivalskih nagrada. Kompozicija “Kad ja pođoh na Bendbašu” u izvedbi ovog ansambla je uvrštena u Antologiju bosanske sevdalinke. Voditelj ansambla je već više od 20 godina Mario Katavić. Trenutni sastav Prijatelja čine: Edin - Dinko Bijedić (prvi tenor), Bruno Papišta i Dražen Ćorić (drugi tenori), Miroslav Stojčić i Zvezdan Živković (baritoni), Goran Gelineo, Nihad Hodžić i Mario Katavić (basovi).



Koncert

Sjećanje na tri dive sevdaha

09. 07. Avlija Svrzine kuće, 21:00 sat

Besplatne ulaznice se preuzimaju na portirnici BKC-a

(Direktan prenos putem YouTube stranice: BKC Sarajevo)

Tradicionalni program u prelijepom ambijentu avlije Svrzine kuće ove godine je posvećen sjećanju na tri dive sevdaha koje su nas nedavno napustile: Zehru Deović (1938-2015), Bebu Selimović (1936-2020) i Eminu Zečaj (1929-2020), sve tri redovne učesnice večeri sevdaha na Bašćaršijskim noćima. Nastupit će mladi interpretatori sevdaha uz pratnju orkestra Damira Galijaševića.

Učestvuju: Alma Subašić, Zanin Berbić, Mensura Bajraktarević, Azra Malkić, Amna Aganović, Lejla Čaušević, Selma Plančić. Takum sazlija Udruženja “Avdo Vrabac” Tuzla. **Voditelji:** Enisa Hajdarević-Šojko i Enver Šadinlija.

Izložba

Zavičajni muzej Visoko

13. 07. JU BKC KS, Galerija, otvorenje izložbe u 11:00 sati. Izložba će biti postavljena do 18. 07.

Izložbe rukopisa prikupljenih iz orijentalnih zbirki bosanskohercegovačkih arhiva, muzeja i biblioteka, s akcentom na fond orijentalne zbirke Zavičajnog muzeja u Visokom. Posjetioci će imati priliku da vide printane (skenirane, ili fotografisane) primjerke originalnih rukopisnih dokumenata, deftera i knjiga na orijentalnim jezicima i arabici koje datiraju iz druge polovine 19. i početka 20. stoljeća, s osvrtom na administrativnu povezanost Visokog i Sarajeva u periodu s kraja Osmanskog i početka Austrougarskog perioda.



Program za djecu

Bibliotečke večeri

14. 07. Dječija kuća, Grbavička bb, Boško Buha, 18:30 - 20:00 sati

Programske aktivnosti JU Biblioteka Sarajeva za djecu uzrasta od 5 do 12 godina - Ekološke teme, poetski susreti, kreativne radionice, druženje i zabava.



Koncert

Promocija novog albuma bh pijaniste Bartolomeja Stankovića

14. 07. Galerija JU BKC KS, 21:00 sat

Besplatne ulaznice se preuzimaju na portirnici BKC-a

Promotori: Ališer Sijarić, Maja Žuža, Dušan Erak, Maja Baralić-Materne, Melisa Marija Zerdo.

Novi CD album "Resonance" bh. pijaniste Bartolomeja Stankovića sadrži djela za klavir 13 odabranih savremenih bh kompozitora. Stilska raznovrsnost odabranih djela, koja su nastala u vremenskom razdoblju od 1980-ih do 2020. godine, bogatstvo su novog albuma koji predstavlja nastavak ranije objavljenih albuma "Balkan Madness" (2018.) i "Voyage" (2020.). Novim albumom nazvanim po kompoziciji "Ringtone/Resonance" kompozitora Danijela Žontara, zaokružuje se projekt bh. umjetničke muzike za klavir - objavljena 3 CD albuma na kojima su snimljena djela za klavir 33 bh kompozitora.




Monodrama

Veče sa Josipom Pejakovićem

15.07. JU BKC KS, Galerija, 21:00 sat

Besplatne ulaznice se preuzimaju na portirnici BKC-a

Doajen bosanskohercegovačkog glumišta izvest će monodramu "Država" i inserte iz svojih poznatih monodrama. Pejaković je publici poznat po monodramama: "Oj žvoto", "On meni nema Bosne", "Čo'jek na četiri noge", "O, izbjeglice", "Postupi po naređenju", "Ućerivanje" itd. U svojoj plodnoj umjetničkoj karijeri ostvario je i veliki broj filmskih uloga, a dobitnik je brojnih nagrada od kojih izdvajamo neke: Sterijina nagrada 1977. (Omer-paša Latas), Šestoaprilska nagrada Grada Sarajeva 1974., Nagrada ZAVNOBIH-a za životno djelo 1991., Nagrada Udruženja dramskih umjetnika BiH, kao i niza stručnih priznanja za uloge na Festivalima u Jajcu i Brčkom.



Sefardska noć

Promocija knjige autora Rusmira Agačevića - Rusa, specijalni gost, Vladimir Mićković. Voditelj: Eli Tauber

16. 07. JU BKC KS, atrij, 21:00 sat

Besplatne ulaznice se preuzimaju na portirnici BKC-a

Sefardska noć je pokušaj da se sačuva kultura i tradicija Jevreja u Sarajevu, te da se promovira i predstavi kao svojevrsna turistička ponuda. Na manifestaciji će poznati bh dramski pisac i Travničanin, Rusmir Agačević - Rus, poznat i kao TV glumac, predstaviti svoju novu knjigu pod nazivom "Snovopriče o Sefardima i Aškenazima travničkim". U pitanju su kratke pripovijetke, ispisane fantazmagoričnim i gotovo poetiziranim jezikom koje svjedoče o istinitim događajima, o životu Jevreja ne samo u Travniku i Bosni, nego i u Parizu, Moskvi i diljem svijeta. Svi likovi iz Snovopriča su istiniti i svi su u Travniku rođeni, te kroz njihov život upoznajemo običaje i prilike kroz dugi niz godina na ovim našim prostorima...

Na promociji će kao gost nastupiti vokalni solista Vladimir Mićković, a izvest će neke od najljepših sefardskih romansi.



Program za djecu

Rusmir Agačević, čitanje bajki i priča

17.07. JU BKC KS, atrij, 13:00 sati

Besplatne ulaznice se preuzimaju na portirnici BKC-a

Rusmir Agačević gotovo 40 godina piše pozorišne predstave, priče, ali i pjesme za djecu.

Svojim vedrim i edukativnim stihovima on upućuje najmlađe na lijepo ponašanje, na poštovanje prema starijima, na ljubav prema životinjama, na brigu prema zaštiti prirode. Način na koji svojim stihovima upućuje poruke izazivaju veliki interes kod najmlađih koji se rado uključuju u čitanje i razgovor s autorom.



Izložba

BZK Preporod, Izložba bošnjačke pobožne poezije, "Zvuči l' to svjetlost ili to zvuk se sjaje..."

19. 07. JU BKC KS, Galerija, otvorenje u 12:00 sati. Izložba će biti postavljena do 31. 07.

Povodom Kurban-bajrama, Bošnjačka zajednica kulture "Preporod" organizira izložbu bošnjačke pobožne poezije.

"Pobožna poezija jeste, poezija susreta čovjeka s Bogom, susret prolaznog s Vječnim, upitanog i Onog spram Kojeg su usmjerena prva pitanja i Kojem se vraćaju posljednji odgovori." - Prof. dr. Sanjin Kodrić



Program za djecu

Bibliotečke večeri

21. 07. Dječije odjeljenje, Radićeva, 18:30 - 20:00 sati

Programske aktivnosti JU Biblioteka Sarajeva za djecu uzrasta od 5 do 12 godina - Ekološke teme, poetski susreti, kreativne radionice, druženje i zabava.



Koncert

Almas Smajlović, gosti ženski hor Superar Cadenza

21. 07. Centralna pozornica Vijećnica, 21:00 sat

Besplatne ulaznice se preuzimaju na portirnici BKC-a

(Direktan prenos putem YouTube stranice: BKC Sarajevo)

Almas Smajlović, sarajevski pjevač, bas gitarista, kompozitor i aranžer ratne 1993. godine sa Muhamedom Trnkom osniva bend "Erogene Zone". Bend 1994. izdaje svoj prvi album "Šuti, seko, šuti". Tokom narednih godina, Almas je sa bendom objavio nekoliko albuma koji su ih učinili izrazito prepoznatljivim na našoj sceni "Robija", 1997., "XXL". 1999., "Mistični znaci", 2003. i "Mi nismo isti - live" 2007. godine. Svirao je bas gitaru u bendu "Grafit"... Zajedno sa Nedžadom Merdžanovićem iz benda "Konvoj", osnovao je duo pod nazivom "Coverdose" u kojem je bio vokalni solista. Pod imenom ALMAS kao autor, multiinstrumentalista i izvođač, 2017. godine pokreće solo karijeru, objavivši prvi samostalni singl "Sat". U pripremi je i njegov prvi solo album koji je najavio još singlovima "Bol", "Zmija", duet pjesmu "Kad boriš se sam" sa Tifom, "Samoća" i "Krug za nas".



Koncert

Bombaj Štampa

21. 07. 2021. Centralna pozornica Vijećnica, 22:00 sata

Besplatne ulaznice se preuzimaju na portirnici BKC-a

(Direktan prenos putem YouTube stranice: BKC Sarajevo)



Grupa Bombaj Štampa je osnovana 1982. godine u Sarajevu kao dio pokreta Novi primitivizam. Grupu je 1982. osnovao gitarist Nedim Babović, a ubrzo im se priključio i Branko Đurić - Đuro. Nakon osnivanja grupa je počela po sarajevskim klubovima držati zajedničke i samostalne koncerte, na kojima su svirali svoje hitove “Željo, to je moj tim”, “Jogging across Alipašino polje” i “Dole”. Ove pjesme kasnije su se našle na LP ploči pod nazivom “Jogging across Alipašino polje (LP “Nove nade, nove snage)” iz 1984. Djelovanje grupe uveliko su ograničavale Đurine glumačke obaveze, pa je njihov prvi album pod nazivom “Bombaj Štampa”, izdan tek 1987. godine. Godine 1990. objavljuju album “*Ja mnogo bolje letim sam*”. Nakon dugogodišnje pauze grupa se ponovo okuplja, te 2010. objavljuje treći album pod nazivom “Neka DJ odmah dole CJ”. Najveći hit s ovog albuma su pjesme “Nedim” (obrada pjesme “Nadine” Chuck Berryja), i “Vriska”.

Koncert

Maya Sar

**22. 07. Centralna pozornica Vijećnica,
20:30 sati**

Besplatne ulaznice se preuzimaju na portirnici BKC-a
(Direktan prenos putem YouTube stranice: BKC Sarajevo)

Maya Sar je kantautorica, vokalna trenerica, koja je predstavljala Bosnu i Hercegovinu na Eurosongu 2012. sa autorskom pjesmom “Korake ti znam”. Diplomirala je na Muzičkoj akademiji u Sarajevu 2005. godine, odsjek klavir. Prije solo karijere, bila je prateći vokal mnogim poznatim pjevačima. Već duži niz godina članica je benda istaknutog bh kantatora Dine Merlina i hora Opere Narodnog pozorišta Sarajevo. Njezin prvi singl “Nespretno” objavljen je 2010. godine i postao je veliki hit u Bosni i Hercegovini, kao i u ostalim susjednim zemljama. Prvi album “Krive riječi” objavila je 2013. godine. Komponuje u porodičnom studiju “Long Play Studio” sa suprugom i producentom



Foto: Edvin Kalić

Mahirom Sarihodžićem za druge umjetnike (Zdravko Čolić, Tereza Kesovija, Karolina Goceva, Jacques Houdek ...).

Koncert

Zabranjeno pušenje

22. 07. Centralna pozornica Vijećnica, 21:45

Besplatne ulaznice se preuzimaju na portirnici BKC-a

(Direktan prenos putem YouTube stranice: BKC Sarajevo)

Legendarna bosanskohercegovačka grupa, osnovana u Sarajevu 1980. godine, koja je svoju popularnost uspjela sa lokalnih sarajevskih okvira da proširi na cijeli region.




Koncert

Koncerti: Ilma Karahmet

23. 07. Centralna pozornica Vijećnica, 19:30 sati

Besplatne ulaznice se preuzimaju na portirnici BKC-a

(Direktan prenos putem YouTube stranice: BKC Sarajevo)



Rođena je 2000.god. u Travniku, a odrasla je u Kiseljaku. Sa svojih trinaest godina, kao najmlađi učesnik, pojavila se na prestižnom takmičenju "X Factor Adria", kada je osvojila simpatije cijelog regiona otpjevavši pjesmu "Ima jedan svijet". Žiri pomenutog takmičenja činile su regionalne zvijezde: Željko Joksimović, Kiki Lesendrić, Emina Jahović i Kristina Kovač. Pjesma "Ima jedan svijet" u interpretaciji Ilme broji višemilionske preglede na video platformi YT. Na takmičenju "X-Factor" bila je finalistica pored 12.000 prijavljenih takmičara. Posljednje regionalno muzičko takmičenje na kojem se pojavila bilo je u Hrvatskoj na takmičenju "RTL Zvijezde". Žiri su činili: Nina Badrić, Petar Grašo, Jacques Houdek, Tonči Huljić i Andrea Andrešić. Pred ovim uglednim muzičkim imenima i pored velike konkurencije, Ilma Karahmet je odnijela ubjedljivu pobjedu i osvojila prvu nagradu. Do sada je snimila nekoliko singlova koji broje milionske preglede.

Koncert

Veće sevdaha sa renomiranim izvođačima bh narodne muzike i sevdalinke

23. 07. Centralna pozornica Vijećnica, 21:00 sat

Besplatne ulaznice se preuzimaju na portirnici BKC-a

(Direktan prenos putem YouTube stranice: BKC Sarajevo)

Vječni sevdah - zaboravljeno blago bh kulturne baštine - veće najljepših pjesama iz tradicionalne riznice, u izvedbi najboljih i najautentičnijih izvođača sevdalinke današnjice. Nastupit će 15 vokalnih solista iz BiH i regiona. Sve izvođače pratit će veliki orkestar i hor RKUD-a "Proleter" Sarajevo i kombinovani orkestar Fondacije SEVDAH pod umjetničkim rukovodstvom i u aranžmanima Damira Galijaševića.

Učestvuju: Nedeljko Bilkić (Srbija), Nedžad Salković, Sejo Pitić, Alma Subašić, Ferid Avdić, Merima Njegomir (Srbija), Zanin Berbić,



Fondacija
SEVDAH

Dragan Račić (Crna Gora), Mensura Bajraktarević, Hasiba Agić, Avdo Lemeš, Pavao Anić (Hrvatska), Hamza Šantić, Safet Bučo. Gost programa Josip Pejaković.

Voditelji programa:

Enisa Hajdarević-Šojko i Enver Šadinlija.



Predstava

ALTTeatar: predstava "Prah"

26. 07. JU BKC KS, Galerija, 21:00 sat

Besplatne ulaznice se preuzimaju na portirnici BKC-a

Dramski tekst mađarskog autora György Spiró opisuje život na rubu materijalne i moralne egzistencije jedne "obične" porodice. Bračni par se vrti u vrtlogu života i nikako ne uspijevaju uspostaviti povoljan kurs ploidbe. Neprestano im nedostaje mnogo čega, a prvenstveno sredstava za život. Pisac ih već na samom početku komada vješto baca u nepoznatu situaciju, kada oni iz životne čamotinje, dobivši na lotu, dolaze u situaciju da svi problemi koje su imali postaju rješivi. Duhovito ispisani dijalozi, prepuni komičnih preokreta, nas podsjećaju da je sreća u nama, te da je život lijep i bez miliona.

Igraju: Gordana Boban, Mirsad Tuka. **Režija:** Miralem Zubčević.



Program za djecu

Bibliotečke večeri

28. 07. Dječija kuća, Grbavička bb, Boško Buha, 18:30 - 20:00 sati

Programske aktivnosti JU Biblioteka Sarajeva za djecu uzrasta od 5 do 12 godina - Ekološke teme, poetski susreti, kreativne radionice, druženje i zabava.



Koncert

Sarajevski gudački ansambl SAGA

29. 07. JU BKC KS, Galerija, 21:00 sat

Besplatne ulaznice se preuzimaju na portirnici BKC-a

Sarajevski gudački ansambl SAGA je nastao 2019. godine u želji da se sarajevsko muzičko kamerno izvođenje obogati kroz koncerte i druge muzičke projekte. Ansambl izvodi popularnu, klasičnu, te ponekad tradicionalnu muziku, ali nije uslovljen pojedinačnim žanrom. Želi širokim repertoarom da pokaže da je moguće klasičnom vrstom instrumenata i klasičnom postavom gudačkog kvarteta dobiti neklasičan rezultat i zanimljive muzičke aranžmane.

Ansambl čine:

Ivana Đurić, violina

Ivan Vanja Radoja, violina

Sanja Manov, viola

Anela Dervišević, violončelo



Monodrama

“Sve je do nas”, Emir Hadžihafizbegović

31. 07. JU BKC KS, Galerija, 21:00 sat

Besplatne ulaznice se preuzimaju na portirnici BKC-a

Hadžihafizbegović želi da se progovori o stanju duha koji je, kako smatra, pod ozbiljnom manipulacijom. U predstavi igra profesora matematike koji je dobio otkaz jer je saopštavao surovu istinu i matematički dokazivao istine. Autor kaže da ga frustrira činjenica kada u društvu argument više ne znači ništa. Ovo je upozoravajuća priča. Priča koja nas tjera da se dublje zamislimo.

(Predstavi ne mogu prisustvovati djeca mlađa od 12 godina).




PROGRAM FESTIVALA

25. FESTIVAL "BAŠČARŠIJSKE NOĆI 2021." 1.-31. juli

DATUM	PROGRAM (Besplatne ulaznice za programe preuzimaju se na portirnici BKC-a)	
1. juli - 20:00 sati	Svečano otvorenje Festivala Koncert: Gudački orkestar Sarajevske filharmonije (Direktan prenos putem YouTube stranice: BKC Sarajevo)	JU BKC KS, Galerija
2. juli - Otvorenje izložbe u 20:00 sati	Likovna Izložba: Samostalna izložba akademskog slikara, fra Petra - Perice Vidića. Otvorena za posjetioce od 02. do 11. 07. u periodu u periodu od 14 do 20 sati	JU BKC KS, Galerija
3. juli- 20:00 sati	Koncert: Vojni orkestar OS BiH i U.S. Army Europe and Africa Band & Chorus (Direktan prenos putem YouTube stranice: BKC Sarajevo)	JU BKC KS, Velika dvorana
4. juli - 12:00 sati	Predstava za djecu: "Dječak koji je sanjao more", Pozorište lutaka Mostar, režija Zijah Sokolović	JU BKC KS, Velika dvorana
7. juli - 18:30-20:00 sati	Bibliotečke večeri: JU Biblioteka Sarajeva program za djecu uzrasta od 5 do 12 godina - ekološke teme, poetski susreti, kreativne radionice, druženje i zabava	Dječije odjeljenje, Radićeva
7. juli - 20:30 sati	Koncert studenata Smjera za harmoniku, Muzičke akademije Univerziteta u Istočnom Sarajevu	JU BKC KS, Galerija
8. juli - 21:00 sat	Koncert: Muški Vokalni Ansambl "Prijatelji"	JU BKC KS, Galerija

DATUM	PROGRAM	
09. juli - 21:00 sat	<p>(Besplatne ulaznice za programe preuzimaju se na portirnici BKC-a)</p> <p>Koncert: Sjećanja na tri znamenite dive sevdaha: Zehru Deović (1938.-2015.), Bebu Selimović (1936.-2020.) i Eminu Zečaj (1929.-2020.). Mladi interpretatori sevdaha uz pratnju orkestra Damira Galijaševića (Direktan prenos putem YouTube stranice: BKC Sarajevo)</p>	Avlija Svrzine kuće
13. juli - Otvorenje izložbe u 11:00 sati	Izložba: Zavičajni muzej Visoko - skenirani i fotografisani primjerci originalnih rukopisnih dokumenata, deftera i knjiga na orijentalnim jezicima i arebici iz druge polovine 19. i početka 20. stoljeća.	JU BKC KS, Galerija
14. juli - 18:30-20:00 sati	Bibliotečke večeri: JU Biblioteka Sarajeva program za djecu uzrasta od 5 do 12 godina - ekološke teme, poetski susreti, kreativne radionice, druženje i zabava	Dječija kuća, Grbavička bb, Boško Buha
14. juli - 21:00 sat	Koncert: promocija novog CD albuma "Resonance" bh pijaniste Bartolomeja Stankovića.	JU BKC KS, Galerija
15. juli - 21:00 sat	Monodrama: Josip Pejaković, doajen bh glumišta izvest će monodramu "Država" i inserte iz svojih poznatih monodrama	JU BKC KS, Galerija
16. juli - 21:00 sat	Sefardsko veče: predstavljanje knjige dramskog pisca i tv glumca Rusmira Agačevića-Rusa, "Snovopriče o Sefardima i Aškenazima travničkim". Specijalni gost, vokalni solista Vladimir Mićković izvest će neke od najljepših sefardskih romansi	JU BKC KS, Atrij

DATUM	PROGRAM (Besplatne ulaznice za programe preuzimaju se na portirnici BKC-a)	
17. juli - 13:00 sati	Program za djecu: Rusmir Agačević, čitanje bajki i priča	JU BKC Atrij
19. juli - Otvorenje izložbe u 12:00 sati	Izložba: BZK Preporod, Izložba bošnjačke pobožne poezije, "Zvuči l' to svjetlost ili to zvuk se sjaje..." Izložba će biti postavljena do 31. 07.	JU BKC KS, Galerija
21. juli - 18:30 - 20:00 sati	Bibliotečke večeri: JU Biblioteka Sarajeva program za djecu uzrasta od 5 do 12 godina - ekološke teme, poetski susreti, kreativne radionice, druženje i zabava	Dječije odjeljenje, Radićeva
21. juli - 21:00 sat	Koncert: ALMAS SMAJLOVIĆ, gosti ženski hor Superar Cadenza, zatim u 22:00 nastup grupe BOMBAJ ŠTAMPA (Direktan prenos putem YouTube stranice: BKC Sarajevo)	Centralna pozornica Vijećnica
22. juli - 20:30 sati	Koncert: MAYA SAR, zatim u 21:45 nastup grupe ZABRANJENO PUŠENJE (Direktan prenos putem YouTube stranice: BKC Sarajevo)	Centralna pozornica Vijećnica
23. juli - 19:30 sati	Koncert: ILMA KARAHMET, zatim u 21:00 VEČER SEVDAHA, 15 vokalnih solista iz BiH i regiona i veliki orkestar Fondacije sevdah pod umjetničkim rukovodstvom Damira Galijaševića; Voditelji programa: Enisa Hajdarević-Šojko i Enver Šadinlija. (Direktan prenos putem YouTube stranice: BKC Sarajevo)	Centralna pozornica Vijećnica
26. juli - 21:00 sat	Pozorišna predstava: "Prah", Gordana Boban i Mirsad Tuka - Altteatar	JU BKC KS, Galerija

A large, light gray, stylized graphic of a bird in flight is positioned in the background, spanning across the top and middle of the page. The bird is facing left and has its wings spread. The table below is overlaid on this graphic.

DATUM	PROGRAM <i>(Besplatne ulaznice za programe preuzimaju se na portirnici BKC-a)</i>	
28. juli - 18:30 -20:00 sati	Bibliotečke večeri: JU Biblioteka Sarajeva program za djecu uzrasta od 5 do 12 godina - ekološke teme, poetski susreti, kreativne radionice, druženje i zabava	Dječija kuća, Grbavička bb, Boško Buha
29. juli - 21:00 sat	Koncert: Sarajevski gudački ansambl SAGA	JU BKC KS, Galerija
31. juli - 21:00 sat	Monodrama, “Sve je do nas”, Emir Hadžihafizbegović	JU BKC KS, Galerija



BOSANSKI KULTURNI CENTAR

Kantona Sarajevo



Kanton
Sarajevo



Grad Sarajevo
City of Sarajevo



Općina Stari Grad
Sarajevo



Općina Centar
Sarajevo



Partneri

ASA BANKA
Naša i snažna!

Sarajevski
kiseljak

Medijski pokrovitelj

antena
sarajevo